

RÉSUMÉ KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à l'adresse ishaatlajnamu@gmail.com



SOMMAIRE

| | |
|-----------------------------------------|----|
| 65ème année de Waqf e Jadid | 02 |
| Hadrat Abu Bakr Siddiq (ra) | 03 |
| Batailles Badr ek Ouhoud | 04 |
| Trahison Banu Nadhir ek Incident du Ifk | 05 |



Et cas banne ki dépense zot di biens pou serce Allāh so plaisir et pour fortifié zot l'âme, li pareil couma ène jardin lor ène hautère. Ène gros la plie tombe lor li, li amène doube rapport dans so fruits. Et si ène gros la plie pa tombe lor li, alors, même ène ti la plie *pou suffi*. Et Allāh guette bien ça ki zotte faire.

(Qur'an ; 2 : 266)

64ème année Waqf e Jadid en chiffres :

11.2 million

pounds au
niveau mondial

Parmi ban pays
africains,
Maurice **2ème**
contributeur
après le Ghana

34% du
montant
collecté, soit Rs.
3,036,876, finne
être contribué
par ban Lajna

**Capave rempli
form promesse
pour nouveau
l'année Waqf e
Jadid online**

(<https://bit.ly/34SKqi2>)

Huzoor (aba) dire qui dans ca verset-la, Allāh ine mentionne ban croyants qui dépensé dans Allāh So chemin afin qui zot gagne Allāh So Plaisir. Quand zot faire ça, zot aussi renforci zot Jamaat et la mission. Huzoor (aba) dire qui dans ça lepok-la, le Messie Promis (as) ti éna comme mission pou repare le vrai message de l'Islam au monde entier. Tout ban suivants du Messie Promis (as) éna même responsabilité. Donc, zot tous bizin prépare zot pou faire ban sacrifices de **zot la vie, zot du biens et zot honneur** pour la cause de ça mission-la.

Allāh pas bizin gros ou petit sacrifices. Allāh guette l'intention qui ena derrière ban sacrifices.

Dans Jami Tirmizi rapporté qui Hadrat Muhammad (sa) in dire qui attache zot chameau et faire confiance dans Allāh. Donc, li necessaire qui ensam avec duah, nous faire zeffort.

Hadrat Musleh Maoud (ra) dire qui si confiance dans Allāh ti veut dir zis fer duah et pa fer aukène zeffort ek travail, **lerla Namaz et Roza pas ti pou éna aukène valeur**. Ziss avec zot la bouche, Imaan ti pou augmenter et ziss avec ça même, l'être humain ti pou saper depi difé l'enfer. **Vrai confiance dans Allāh c'est qui ène dimoune li servi tous moyens qui Allāh in met à so disposition pou progresser**. Li faire tous zeffort qui possible. Li pas reste assizer et vin pares. Ensuite li faire duah a Allāh ; ki faire qui travail qui mo pe faire la, zeffort qui mo p faire la, li amène ban resultats extraordinaire (Tafseer e Kabeer vol. 7).

Celui ki capture le St Prophète (sa) ek Hadrat Abu Bakr (ra), mort ou vif, pou gagne ène récompense de 100 chameaux depi ban mecquois. Suite à sa l'annonce-la, Souraqa, ène chef bédouin, fine poursuivre le St Prophète (sa) ki ti en route pou Madinah. Hadrat Abu Bakr (ra) ti p peur pou la vie du Prophète d'Allāh (sa) mais Allāh fine déjouer tous plans de Souraqa et au final, line accepter ki le St Prophète (sa) pa ène dimoune ordinaire sa et ki, au final, c'est li ki pou sorti victorieux. Le St Prophète (sa) fine demande Souraqa **"ki to pou ressenti si ban bracelets l'or de Chosroês, l'empereur la Perse, dans to lamain ?"** Souraqa fine bien étonné par sa ban paroles-la ; **comment eski ène bédouin d'Arabie pou retrouve li avec l'empereur so bracelet l'or ?!** Des années plus tard, kan Hadrat Umar (ra) fine conquerir l'Iran et ki zot fine gagne ban bracelets de Chosroês comme butin de guerre, **li fine appelle Souraqa - ki ti converti à l'Islam - pou donne li ban bracelets-la comme le St Prophète (sa) ti prophétisé.** Ainsi, sa prophétie-la fine être réalisé 16 ou 17 ans après !

Après 8 jours de voyage, le St Prophète (sa) fine arrive à Quba et zot fine reste labas pendant 10 nuits, et line pose fondation de Masjid Quba. Après ça, le St Prophète (sa) fine lire premier namaz Jummah a Madinah, dans vallée Banu Salim bin Auf avec 100 musulmans.

Tous musulmans ti p offert zot lacase au Prophète d'Allāh (sa) mais li fine acheter ene terrain pou construire Masjid al-Nabawi et lacase pou ban Compagnons et li-même. Le St Prophète (sa) fine avoye Hadrat Zaid (ra) a Mecca pou fer so ban proches vine à Madinah.



Actuel Masjid Quba

Pendant **bataille Badr**, Hadrat Abu Bakr (ra) ti porte li volontaire pou veille la tente du St Prophète (sa) et line dire :

Aukène polythéiste pas pou capave approche le St Prophète (sa) sans ki li passe par moi !

Le jour de Badr, le St Prophète (sa) fine constamment supplier Allāh et line dire :

Ô Allāh, si To détruire sa communauté musulmane la, pa pou éna personne ki pou adore Toi lor sa laterre la.

Et Allāh fine accorde ène victoire extraordinaire à ban musulmans. Alhamdollilah!

Garçon de Hadrat Abu Bakr (ra), Abdour Rahman, ti parmi ban infidèles qui ti combatte ban musulmans lor de la bataille de Badr ek Ouhoud et après kan line vine musulman, li ti dire so papa ***"le jour de Badr, mo ti capave tuer ou mais mo pen fer sa"*** et en réponse, Hadrat Abu Bakr (ra) dire ***"Allāh ine envie accorde toi la foi, a cause de cela ki to en vie. Sinon, si mo ti trouve toi zour Badr, mo ti pou tuer toi."***

Courage de ban Compagnons pendant **bataille Ouhoud** ti incroyable. Zot ti entoure le St Prophète (sa) pou protège li et combatte l'ennemi. ***Hadrat Talha (ra) ti gagne 70 blessures lor so lecorps ek so la main fine paralysé à jamais et le St Prophète (sa) ti blessé lor so lajoue et so ledents ti cassé.***

Abu Soufyan fine proclamer ki le Prophète d'Allāh (sa), Hadrat Abu Bakr (ra) et Hadrat Umar (ra) fine mort *Nauzubillah*. Le St Prophète (sa) fine empêche ban musulmans répone parceki zot ti blessé et faibles et pa ti pou capave combatte encore.

Ensuite, Abu Soufyan dire "Gloire à Houbal qui fine anéantir l'Islam". Le St Prophète (sa) ine refuse écoute sa insulte-la contre Allāh et ban musulmans ine répone en force :

Ban menteurs ! Zot glorifier Houbal alors ki Allāh Li plus Elevé. Li Unique et Li péna partenaire.

Ban mecquois fine décourager kan zot fine trouve le Prophète (sa) vivant et zot fine retourne Mecca.

Le St Prophète (sa) ti ale guet la tribu de ban Banu Nadhir dans Madinah. Line fine assize contre ène muraille et ban juifs de la tribu Banu Nadhir fine gagne ène l'occasion pou élimine le St Prophète (sa). **Ene dimoune fine grimpe lor muraille avec l'intention pou zète ène gros roche sur le St Prophète (sa) mais Allāh fine avertir so serviteur.** Suite à sa trahison-la, le St Prophète (sa) fine demande ban Banu Nadhir pou kit Madinah d'ici 10 zours mais zot fine refuser. Suite à zot refus, ban musulmans fine assiège la forteresse de ban Banu Nadhir. Et finalement, **ban Banu Nadhir fine zète zarmes et kit Madinah avec tou zot dibiens.**

Kan le St Prophète (sa) fine conner ki ban Banu Mustaliq p plan ène attaque contre ban musulmans, le St Prophète (sa) fine lance ène expédition accompagné de 700 musulmans et parmi, ti éna Hadrat Aisha (ra) aussi. Lor chemin retour, Hadrat Aisha (ra) fine perdi so collier et pendant ki li p rode so bijou, ban musulmans ti fini lève camp et contigne zot chemin. Ban musulmans fine mete palanquin de Hadrat Aisha (ra) lor so chameau sans même conner ki li pa ti ladan. Letemps Hadrat Aisha (ra) ine trouver ki ban la fine kit li, line ress en place parceki li ti conner ki ban musulmans pou réalise so l'absence et retourner pou prend li. Entre temps, line dormi et c'est Hadrat Safwan (ra) kine trouve li. Line retourne Hadrat Aisha (ra) à Madinah. **Mais le chef des hypocrites, Abdullah bin Ubayy bin Sulool, fine repone ban rumeurs lor Hadrat Aisha (ra).** Sa fine rende li bien malade et malheureuse et li fine demande au Prophète (sa) la permission pou ale kot so parents. **Le St Prophète (sa) fine consulter so ban Compagnons et zot tou fine insister sur le caractère pur de Hadrat Aisha (ra).** Le St Prophète (sa) fine ale rende visite à Hadrat Aisha (ra) et li fine dire "**si ou innocent, certainement Allāh pou cause en ou faveur**" et effectivement, au même moment, Allāh révèle au St Prophète (sa) verset suivant, qui prouve l'innocence de Hadrat Aisha (ra) :

En vérité, banne ki ti invente mensonge-là forme ène groupe parmi zotte-mêmes.

(Qur'an ; 24 : 12)

**NOUS ENCOURAGE TOUS BAN LAJNA ET
NASIRAT POU SUIVE KHUTBA JUMMAH
EN DIRECT LOR BAN CHAINES DE LA
MTA**

<http://www.mta.tv/live>

OU

<http://www.mta.tv/live-audio-only>

OU

<https://youtu.be/TEGnBvhnCj0>

ou pou Android app

[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)

ou pou iPhone app

[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)

@lajnamu

